

第一〇二冊

方輿彙編

職方典

西安府部

(卷)
五九—五三

古今圖書集成

中華書局影印

欽定古今圖書集成方輿彙編職方典

第五百九卷目錄

西安府部彙考十九

西安府兵制考

西安府物產考



職方典第五百九卷

西安府部彙考十九

西安府兵制考

本府

西安城守副總兵一員

中軍守備一員

陝西掌印都司一員

操捕僉書一員舊設今裁

營屯僉書一員舊設今裁

提督西安統轄漢兵兼烏金趙哈管固原鎮事

一員

提督鎮標中軍參將一員

兼管中營中軍守備一員

左營遊擊一員

中軍守備一員

右營遊擊一員

中軍守備一員

外州縣

通志

潼關參將一員

中軍守備一員

長武營遊擊一員

下馬關參將一員

中軍守備一員

邠州都司一員

金鎖關守備一員

咸寧縣志

邑之兵制在漢無考唐初更道爲軍萬年道爲

參旗軍明附郭會城兵防制在閩衛邑止設捕

盜民壯二百四十名後裁去十四名餘照所授

器械編立隊伍責撥鼓手聽捕衙操演其工食

衣械取給丁徭崇禎間以寇盜竊發練壯丁裁

主簿設練總未幾而罷屢經裁汰舊猶雷馬快

八名民壯五十名今又奉文議裁凡事遇緝守

大抵藉城守兵居多

鄂縣志

鄂之地編里二十有三而爲軍寨者不可數計

軍之士著率獷悍詞訟難於勾攝民甚苦之今

依新例盡編入連環保甲

華州志

皇清初年山草盤互流毒一方遂使通衢竟成絕徑

潼關兵道陳心竊慮之於順治乙未正月立木

城周一百八十三堵南北縱廣五十丈東西橫

闊五十丈汛防官兵三十人以潼關營把總官

領之至今賴焉

同官縣志

明正統十四年設戰場於城北宣威門外正北

爲卽戎堂左爲鼓臺右爲關西棧銳坊左右翼

招募民壯就地官計率領操練遇驚調用額

設民壯八十二名全防舊

大將軍砲四位 手鎗三十一杆

鑕銃一百三杆 手鎗三十一杆

鐵叉五杆 斬馬斧五把

鐵佛郎機一十五杆

飛砲一百四十個

大皮袋二百九十八個

小皮袋二百九十八個

鉛子一萬四千四百個

火藥二百斤

鄂州志

原設民壯一百三十名

機兵三十名

秋操新民壯四百七十名專事防秋而設每年

上班三月餘日歸農

官軍十名

上司發下手鎗六百杆

鉛子三萬個

盔五十四頂 甲五十九副

銅佛郎機三十杆

鐵佛郎機二十杆

分發宜祿鎮盔甲四副

本州民壯領盔甲十副

曉示人領盔甲四十五副

本州官造手銃二百六杆

民自造手銃五百五杆

鐘砲三百九十四杆

四門守城大砲十個

三水縣志

遊擊一員 兵二百名

分守關內道中軍守備一員

兵一百名

淳化縣志

原設民壯八十八名

秋操民壯四百一十二名

官銃九十杆 民銃二百四杆

官造鐘砲三十四杆

長武縣志

遊擊一員 舊無額設順治二年暫設守備至

八年軍門孟喬芳請設遷邠州遊擊駐防長武

千總一員 把總一員

原設長武營兵一百七十五名添設馬兵三百

名步兵二百名

外委守備一員

千總一員

把總五員

弓箭四百八十副

副刀鳥鎗各二十

長鎗一百八枝

連架棍五十副

大砲十三位

三眼鎗十八杆

潼關衛志

其條各州縣志俱不載

副將一員

中軍守備一員

部銓掌印守備一員

管屯左右所千總二員

西安府物產考

通志州縣志合載

穀類

麥 種大小二即來牟詩貽我來牟是也漢董

仲舒疏奏令民間多種宿麥秋蒔夏斂備五氣

之全味故甚美又有燕麥玉麥二種然亦不多

產

稷 粟穀也江東呼粟爲黍按黍稷粟一物而

異名又有黏粟味極軟美邑人多用以釀酒作

糕

菽 豆也五色各出形味不一黃白青黑者皆

可爲腐唯豌豆扁時者甚衆又有刀豆龍爪豆豉

豆槐豆菜豆赤小豆人面豆

稻 稈也詩豐年多黍多稌又十月穫稻皆是

物也又曰糯又曰秈字林糯黏稻也可釀酒秈

稻不黏者又曰粳本草岐稷與稻爲二物未是

三川俱產有稷稷者佳

黍 爾雅翼曰以大暑而種故謂之黍孟秋熟

庶人薦黍其秀舒散楚人以菰葉包黍炊而食

之謂之角黍類有數十大約飯黍酒黍兩品黏

不黏而已其黑黍謂之秬其一稗二米黍謂稗

梁 爾雅翼曰粟類有毛雀畏刺眼不啄比他

穀益胃但性微寒其聲爲涼其米青者爲青粱

夏日食之清涼其米白者形如芝麻爲芝麻粱

古白粱謂之芑赤粱謂之藎黃粱穗大毛長味

美謂之竹根黃然赤黃二米甲稗雖有二色而

其米皆白

蕎麥 味甘平寒中伏種者最上立秋後種者

次之其飯法可黍使氣餽於烈日中暴令口開

使吞取作飯

糜 似黍而小有酒糜飯糜二種穗舒散如衫

袖其穰可作茗帶夏種秋熟先穀早收

蔬類

苜蓿 西京雜記樂遊苑自生玫瑰樹下苜蓿

一名懷風時人或謂之光風風在其間常蕭蕭

然日照其花有光彩故名苜蓿爲懷風茂陵人

謂之連理草土人多採以作蔬

菰 西京雜記太液池邊皆是雕胡菰之有米

者長安人謂爲雕胡杜甫詩波漂菰米沉雲黑

卽其物也可作蔬

蔥 有冬漢胡三種實主明目草白作湯治傷

寒冒風根治頭痛發汗汁治瀉血解毒

韭 味辛微酸安五臟除熱可久食說文曰韭

者久也一歲三割其根不傷冬壅之來春復生

芥 芥似菘而有毛味辛可作茹久食溫中有

青紫白三種夏種秋成

馬齒莧 味酸寒無毒純陰之物圖經云根白葉青梗赤花黃子黑一名五行菜

蒜 爾雅云葷菜也味辛溫有小毒消穀理胃

溫中除邪八月種次年五月收

茄 衍義曰出新羅國味甘冷不可多食

萬荳 味苦冷微毒主補筋骨開胃驅產婦勿食

荳蔻 性冷補中下氣多食破腹

茛蒿 性平和但動風氣熏人心令氣滿不可多食

蒺藜 劉禹錫嘉話錄云本自頗陵國流入中國語訛耳性冷微毒能解酒毒久食令人足弱

蘿蔔 味溫無毒主下氣制麪毒

胡蘿蔔 日華子云味甘平無毒主下氣調利腸胃

芫荽 一名胡荽味辛溫微毒消穀補臟又能發小兒痘疹速出

白菜 味甘溫無毒主通利腸胃消酒毒

香菜 性辛平無毒與諸菜同食氣味香可辟腥羶之可調羹

薺菜 生田野中味甘溫作菹羹最佳酉陽雜俎曰薺早生主豐年

芹菜 其菜

瓜 種類最多皆蔓生味甘解暑子皆多詩云瓜瓞綿綿

瓠子 味苦寒有毒多食令人洩瀉先葫蘆成

葫蘆 味甘平無毒主消水

木類

松 產南山不一種大者中棟梁細者中椽檣

黃而油者中棺槨用按華山西南峰上有五粒

松平如偃蓋旁有萬羅牽附長數百尺蒼翠掩映下產茯苓具如人形亦千百年物也

柏 數種膏而香者可中棺槨產龍首原者佳

叢而緻者曰千枝柏葉長而銳者曰刺柏園圃多蔭之又有四季柏四時皆花枝葉蒼秀如蓋

蔣牛頭寺

桑 數種葉沃者曰沃桑不實可飼蠶結樞者亦有黑白二種

栗 木中器用三秦記上林苑大栗十五枚一斗

桐 百尺直上寒翠欲滴

楊 青白二種勁葉逐風作聲古詩朝元閣上西風急都入長楊作雨聲

椿 二種味酸寒紅椿木香葉可為菜白椿木臭幹可為棟

槐 味苦寒葉大而黑者名檉槐花晝合夜開者名守宮槐葉細而青者但謂之槐作車船最佳按雲陽公記甘泉宮北有槐樹今謂之玉槐樹者舊相傳即揚雄甘泉賦所謂玉樹青葱者也

榆 種類有十葉皆相似味甘滑

楮 俗名構一曰穀詩云爰有樹檀其下惟穀田荒蕪久則穀自生葉有花瓣曰構可作紙

棟 味苦殺蟲蠱花香類紫荆微白

木槿 花夜開晝合有千葉蕊者陰乾治耳閉

楸 有山水二種木多紋理中器用

五柞 本皆連三抱上枝陰覆數十畝漢因以名宮

楓 似楊葉圓而岐有脂而香一名楓香隋時多植之

丹青樹 西京雜記終南山有樹直上百尺無枝上結叢條狀如車蓋一青一赤望之斑駁如錦繡長安謂之丹青樹亦名華蓋樹

柳 枝上長曰楊下垂曰柳花絮入水而萍生焉斫枝栽植則生

桓竹 出南山小者曰松花竹俱中織器用

花類

牡丹 顏色甚多惟姚黃魏紫二種為最唐世最盛士大夫家爭植之唐羅鄴詩買栽池館恐無地看到兒孫有幾家根可入藥味辛苦無毒通經除冷

芍藥 赤白二種洩脾火攻兒枕一名將離故贈別用此

葵 黃紅白紫色類不同葉莖亦異皆赤心向日亭亭直上世人多以忠臣況為可入藥黃者治淋紅者治客熱

菊 種色甚多一名日精一名女節一名陰成九月盛開有淡永之致世人以隱士況為可入藥味甘辛無毒除胃熱明目

萱草花 花黃葉翠蕭疎多致一名忘憂一名宜男按風土記孕婦佩之則生男可入藥味甘

無毒安五臟常服忘憂

鳳仙 鷄冠 石竹 圖竹

金盞 薔薇 茨梅

果類

桃 花仁附三味俱苦甘平無毒其實味酸多

食令人有熱他木接者雖美非本性藥中不用

杏 核仁味苦溫有毒花味苦無毒實味酸多

食傷筋骨

李 赤青綠黃數色仁味苦平無毒主僵仆癰

血骨痛根皮大寒主消渴實味苦除癰熱調中

棗 味甘平無毒止可生噉若乾不如晉棗按

西京雜記上林苑中有弱枝玉門青華赤心諸

種木堅中車輞

酸棗 生坡阪城壘墳塚間味甘平無毒入藥

不如酸棗縣者為真

柿 味甘寒無毒有七德蟲蠹不生鳥雀不巢

夏陰濃厚霜葉如華落葉肥大實充饑渴其木

多壽而無枯杪

石榴 味甘酸無毒主燥渴多食損氣折條盤

栽實有紅白二種花有千葉單葉

白果 味甘無毒生津止渴

棕子 一名軟棗為類甚多實可備饑材中車

輞

柰 蘋果花紅秋子皆柰屬

梨 味甘微酸寒多食寒胃按三秦記樊川御

宿間有梨大如五升瓶落地則破其取以布囊

盛之名含消

葡萄 新唐書太宗破高麗收馬乳葡萄植苑
中依法釀酒成綠色芳香酷烈長安始識其味
兼醞餬

草類

離合草 西京雜記終南山多離合草葉似江

蘼而紅綠相雜莖皆紫色氣如羅勒

積雪草 味苦寒無毒葉圓如錢大莖細勁蔓

延生溪澗側搗傳熱腫丹毒不入藥用

莎草 離騷云青莎雜樹古今詩人多比興

蘆 狀似竹而葉抱莖生有節無枝

葦 種水澤旁秋採以織席

荇蓂 生川澤道旁似薺細葉俗呼為荇薺

蒲 產渭川可織為蓆及蓆笠繩繩之類惜今

居人不善為之止知採為炊薪及飯牛耳

藥類

甘遂 味苦性涼有毒能洩十二水腫一名陵

澤二月採

地黃 生黃土者佳似車前葉上有皺紋而不

光高尺餘其葉似麻紅紫色亦有黃花者味甘

性冷補五臟通血脈久服令人不老

香附子 味甘微寒通經和血

車前子 生道旁味苦性冷無毒止痛利水道

明目療赤腫主產難

艾 味苦主灸百病止心氣疼三月五月採

水萍 味辛酸寒止暴熱身痒以沐浴生毛髮

三月三日採陰乾

枸杞 味甘平無毒一名地骨詩集于菟杞

鬼草 山海經牛首之山有鬼草其葉如葵赤
莖其秀如禾服之使人不憂

紫芝 商山有之四皓採食所謂賜賜紫芝是

也

紫草 出山陽縣北山採其根以前油沃之色

白醜可染紫衣

細辛 華山頂西南隅方圓三四畝盡是細辛

服之令人身體生香

雙皂莢 在驪山臨崖玉女殿一帶兩角其背

相合

遠志 甘遂 芫花 車前

香附 荊芥 地黃 薄荷

龍骨 瓜蒌 牽牛 艾葉

桑白皮 酸棗仁 小茴香

天仙子 蘿蔔子 地骨皮

獸類

牛 白頭黃鼻者為牛中之王農家畜此主大

富純黃者為上乘

麝 出商南山形如小鹿有香埤雅麝香來射

則其臍之為累也

麋 出終南諸山形如大鹿日塵羣鹿隨之視

塵尾為嚮導故古之談者揮焉

獼猴 出終南諸山唐昭宗養一猴衣以俳優

服謂之猴部頭朱溫既篡引至坐側仍賜衣為

俳優忽號擲自裂其衣溫叱令殺之
鹽耳羊 出同州沙苑耳小如鼠其味絕美或
他處羊畜於此大耳羊亦生小耳羊蓋其地服

所產然耳

羚羊 圖經出華陰山其形如羊青而大其角

長二尺有節如人手指

馬 鹿 獐 犬 狼 鹿

推 貓 兔 狐 虎

禽類

鴛鴦 味鹹平有小毒主瘰癧有定偶

鴛鴦 味鹹平無毒調精益氣鴛鴦軍中用

鴛鴦 月令田鼠化為鴛鴦味溫平益氣補中四月

以前不可食俗有遊冷子畜龍關賭為戲

鴛鴦 味甘除腹腫暴熱生沙隄水洲色白

白鴿 治頭風腰痛悠悠水上人以此忘世君

子

黃鸝 味鹹小毒治風濕脚氣毛如金黃暮春

弄聲柳陰

鷄 性溫主溫中止血丹雄鷄通神殺毒辟不

祥白雄鷄安五臟治消渴烏雄鷄療目不明

鷄 微寒主耳卒聾以膏灌之

鴨 主殺百藥毒解毒熱惟純白者佳

鴨 黑白二色俱巢樹枝味甘無毒主鬼蠱諸

疰毒

雀 味甘性熱壯陽道令人有子雄者佳項下

黑多者為雌

鳩 味甘平無毒安五臟能喚雨雌鳴雨雄鳴

晴不能果詩惟鴿有巢惟鳩居之

鵲 味甘寒下淋消熱結惟雄可用其翼左覆

右為雄右覆左為雌人謂之喜鵲

鳬 野鴨也一名鶩味甘主風虛寒熱

鴉 烏鴉反哺得仁孝之端人謂之慈烏寒鴉

頸白而小不能反哺味皆酸無毒治欬嗽骨蒸

虛勞

鴛鴦 味鹹無毒主頭風目眩顛倒痢疾

鸛鷀 味寒主治冷疾形類鴛鴦色

阿濫堆 中朝故事驪山多飛禽名阿濫堆明

皇御玉笛采其聲翻為曲左右皆傳唱之播於

遠近人競以笛效吹張祐詩紅樹蕭蕭閣半開

玉皇曾幸此宮來至今風俗驪山下村笛猶吹

阿濫堆

燕 天鵲 鷹 鵠 鵠 鴻

鱗介類

鯉 赤色本草陳藏器曰鯉從脊當脊中數至尾

無大小皆三十六鱗亦成數也味甘治水腫脚

氣

鯽 似鯉色黑而體促和尊作羹最良主平胃

調中

鮎 似鯽而小色黑多食傷胃

鯉 青黑色作羹食之亦能補腎氣

鯽 似鯽而細長補中氣五月五日取頭骨

燒灰止痢

鱖 白色其形長而小主除胃中熱

龜 味苦有毒與蛇交用以下吉凶

龜 味甘平三爪者謂之能食之令人化水

蝦蟇 味辛寒有毒五月五日取乾陰東行者

良

蛇 有數種大毒主中風濕疥瘡等疾

蝮蛇類

肥蠃 山海經太華之山有蛇焉名曰肥蠃六

足四翼見則天下大旱

飛鼠 其物飛而生子難產者以皮覆之則易

故又名催生

貴妃粉 馬嵬坡上土白如粉女人面有黑點

者以水和粉洗之即除

食貨類

礬紅 出澄城縣西長閭里

漆 出華州南山

布 近日女勤織紡逐處有之出鳴嶺鎮者佳

荏 荏狀如蘇研子雜米作糜甚肥美亦可榨

油和漆用

棉花 春種秋收黃花白子于成蒙茸吐出收

時最艱可紡織為布其子可榨油窮民燃燈調

菜

紅花 秋末種明春發苗夏乃花下作株多刺

花蕊出株上人承露採之採已復出其性和血

色染紅作臘脂

芝麻 三月種九月熟味甘寒可榨為油

藍 有二種其葉大如匙鋪地無梗俗呼曰藍

葉葉小而圓莖高二尺曰小藍俱染藥物

苧麻 苗高六七尺葉似苧而薄可包麥葉作

軸梗漚作麻或績布抄紙打繩索用

蠶 飼養作絲蠶蛾雄者主益精氣強陰道能

止精

黃鼠 味甘平無毒鹽之食多發瘡

蜂 種類甚多惟釀蜜者人多收養有君臣之

義焉

薪炭 出南山

石炭 明嘉靖甲辰六月民始鑿石取之至今

利焉

州縣志未詳物產

按各志物產未詳者惟從華書所載採入於後

山海經符禺之山其陽多銅其陰多鐵其上有

木焉名曰文莖其實如棗可以已聾其草多條

其狀如葵而赤花黃實如嬰兒舌食之使人不

惑符禺之水出焉而北流注于渭其獸多慈聲

其狀如羊而赤鬣其鳥多鴟其狀如翠而赤喙

可以禦火

西曰石脆之山其木多櫻柎其草多條其狀如

韭而白華黑實食之已疥其陽多琇瑋之玉其

陰多銅灌水出焉而北流注于禺水其中有流

緒以塗牛馬無病

西曰英山其上多柎櫪其陰多鐵其陽多赤金

禺水出焉北流注于招水其中多鮮魚其狀如

龍其音如羊其陽多箭鏑其獸多牝牛羝羊有

鳥焉其狀如鴉黃身而赤喙其名曰肥蠃食之

已癘可以殺蟲

周禮考工記鄒之刀

爾雅南方之美者有華山之金石焉

史記樂書趙高曰何必華山之驪耳而後行遠

平

新豐箭谷裂按庚有吾啓睢陽東苑子園三尺

新豐箭谷枝懸六斤

地理志華山生文柏

本草註款冬花出雍州南山及華州十一十二

月採其花

東方朔云關中土宜薑芋按顏師古曰芋似藕

而長不圓正白可食亦有紫者杜甫詩紫收岷

嶺芋

范計然云儲莫東出三輔白色者善

晉郭璞註穆天子傳今華陰山有野牛山羊肉

皆千斤

古華山記山頂有千葉蓮花服之羽化

開元遺事興慶池南岸有草數叢葉紫而心殷

有醉人過於草旁不覺失其酒態後有醉者摘

草嗅之其酒立醒

聞見錄李文饒平泉山居草木記有藍田之龍

柏

華山志華山東南峯之北有老君菖蒲池其菖

蒲葉細如劍脊其根每寸九節服之令人強健

嶽頂西南隅有細辛服之令人體輕

華州舊志郡之柳子鎮有千家鐵匠作刀劍剪

斧之器天下寶之當事需索甚煩小民供應已

竭甚有典賣田土以給官斂時當夜半每聞哭

聲震野今盡逃散

郡之東關織方紗西關碾鋼鉢水藏作山紙泥

河治蔬菜頗足俯仰之資

移山潭水深數十丈大與郡城同多產魚蓮

續華州志石堤峪山居以木為機引水舞蹈磨

榆杏雜木作香四十里間桔槔相亂亦有製造

之精者上下蓋有千輪貨甚廣

南山多漆樹人咸採之以資用其子亦可作蠟

供神極潔

符禺之麓千頃漫產朝菌大者如斗肉厚味甘

三四月間採之

欽定古今圖書集成方輿彙編職方典

第五百十卷目錄

西安府部彙考二十

西安府古蹟考一

職方典第五百十卷

西安府部彙考二十

西安府古蹟考一

本府 長安縣 咸寧縣 鄠縣 鄠縣

造書臺 在長安西南二十三里三會寺中相傳倉頡造書之處

鎬京 故基在府城南三十里周武王宅

是亦謂之宗周梁載言十道志云鎬池一名元

趾秦始皇毀之漢武帝穿昆明池于此地

下杜城 在府城東南十五里其城周三千一

百七十五步春秋時爲杜伯國秦爲杜縣漢宣

帝時修杜之東原爲陵置杜陵縣更名此爲下

杜城城西有第五橋丈八溝

中渭橋 在府城西北二十五里本名橫橋又

名三橋秦始皇作離宮于渭南北渭水貫注以

象天漢橫橋南度以法牽牛廣六丈南北二百

八十步七百五十柱二百二十二梁

鴻臺 秦始皇二十七年築高四十丈帝常射

鴻于臺上漢書惠帝四年長樂宮鴻臺災

周辟雍 文王辟雍在城西北四十里

靈臺 在城西北四十里文王所作以觀辰氣

祭妖祥今臺基猶高二丈周二百二十步

漢辟雍 在故長安西北七里河間獻王來朝

獻雅樂武帝對之三雍宮

漢園丘 在昆明故渠南今猶高二丈周四百

二十步

漢太學 在故長安西北七里王莽爲宰衡時

建弟子舍萬區有市有獄

漢臺臺 在故長安西北八里亦名清臺高十

五仞武帝造太初曆卽上林清臺課候

長安故城 因長安鄉而名本秦興樂宮基在

府西北二十里形似斗名北斗城漢高祖始居

長樂宮惠帝元年始大起民丁城之數年而後

訖工周六十五里高三丈五尺經緯各長三十

二里十八步地九百七十二頃八街九陌九市

十六橋十二門南面三門中曰安門東曰覆盎

西曰西安東面三門中曰清門北曰宣平南曰

霸城北面三門中曰洛門東曰廚城西曰橫門

西面三門中曰宣城南曰章城北曰雍城用龍

首山土赤如火堅如石池周廣三丈深二丈

章臺 在長安建章臺下京兆尹張敞走馬街

葉街 漢長安城中街名

柳市 細柳倉有柳市長安中大俠萬子夏居

柳市

槐市 漢元始間太學中列槐數百行諸生朔

望會市各持其土物及經書買賣議論

漸臺 在建章宮北太液池中高二十餘丈又

未央宮滄池池中有漸臺

神明臺 在建章宮內高五十丈上有九室又

置銅仙人舒掌捧銅盤以承雲表之露

太液池 在建章宮北周迴十頃中有蓬萊方

丈瀛洲以象海中神山刻石爲魚龍鳥獸奇怪

之狀池邊皆雕鏤紫雲鸞鷁鵠鴈之屬動輒成

群昭帝始元元年春黃鵠下建章宮太液池成

帝嘗以秋日與趙飛燕戲於此池以沙棠木爲

舟以雲母飾于鸞首又刻桐木爲虬龍彫飾如

真夾雲舟而行以紫桂爲柁帝每愛輕舫以

驚飛燕命飲飛之士以金鎖繫雲舟于波上每

輕風時至帝以翠縷結飛燕之裙今池中尚有

避風臺卽飛燕結裙之所西有小池名孤樹池

洲上一枯樹大十餘圍望之如蓋

影娥池 在建章宮武帝擊以甃月其旁起望

鵲臺影入池中使宮人乘舟弄月影亦名眺蟾

臺

昆明池 在長安縣西南三十里地名鵲鵲莊

周迴四十里漢武帝元符九年欲伐昆明擊池

以習水戰滅隴西上郡戍卒之半穿之得黑灰

上問東方朔朔曰西域僧人知之後問僧人曰

刳餘之灰也中置戈船樓船百艘上建戈矛四

角垂幡旌旄作豫章大船可載萬人又刻石爲

鯨魚長三丈每風雷常鳴吼風尾皆動立石牽

牛織女于池之東西以象天漢帝令宮女泛舟

池中張鳳蓋建華旗作權歌雜以鼓吹帝御豫章船臨觀焉池至姚興時竭唐德宗貞元十三年命京兆尹韓皋浚之追尋漢制引交水澧水合流入池今廢爲民田

百子池 七月七日戚夫人侍高祖臨百子池作于闐樂以五色縷相羈謂之相連愛正月上辰出池邊盥濯食蓬餌以祓妖邪二月上巳張樂于池上八月四日出雕房北戶竹園下圍基勝者終年有福取絲縷就北辰求長命九月九日佩茱萸飲菊花酒令人長壽趙王如意年幼使趙溫傳之號養德宮

十池 上林苑有初池廢池牛首池淵池積草池東陂池西陂池當路池犬臺池郎池積草池中有珊瑚樹高一丈二尺一本三柯上有四百六十二條南越王趙佗所獻號爲烽火樹

雁鵲陂 地方六頃承昆明下流在鎬池北沈約詩云西臨雁鵲陂

下馬陵 在咸寧縣南半里賦脂坡武帝幸宜春苑每至此下馬時謂之下馬陵歲遠訛爲蝦蟇陵

樊川 在故長安南杜縣之樊鄉高帝以樊噲灌廢丘有功封食邑于此即後寬川也又名華嚴川其南又有御宿川

霸陵廢縣 在府城東北二十五里霸水之東本秦穆公芷陽漢文帝霸陵在其地因置縣南陵廢縣 在府城東南二十四里白鹿原上薄太后南陵在此文帝七年置縣

杜陵廢縣 在府城東南一十五里宣帝以杜東原上爲陵初置縣曰杜陵謂之東杜路軫底 在未央宮掌宮中典馬亦曰未央底東陵瓜田 邵平種瓜處在故長安青門外

琳池 在故長安城中昭帝元始元年穿此池廣千步池南起桂臺以望遠池中植菱荷一莖四葉狀如軒蓋每遊燕出入或剪以爲衣或折以障日帝命水嬉以文梓爲船木蘭爲柁刻飛鸞翔鶴飾于船首隨風輕漾畢景忘歸

千人聚 在府治東南金城坊漢宣帝葬衛思后于此以倡優雜伎千人樂其園靈金藏 漢太上皇佩刀長三尺上銘字難識後賜高祖定天下藏于寶庫守者見白氣如雲有龍蛇狀呂后名曰靈金藏

漢丞相府 西京雜記平津侯公孫弘自以布衣爲丞相乃大開東閣管客館于丞相府後黃霸爲相神雀飛集府上

漢司隸府 司隸府治故府即武帝廟漢中尉府 中尉府在尚宮冠里街東波若臺 姚興集沙門五千餘人起造浮圖于未貴里立波若臺

露門學 周武帝天和七年于露門學置生員七十二人宣帝大象二十七年親行釋奠之禮于此

隋大興城 開皇十二年于漢故東南包據龍首原爲新都名大興隋大社 在皇城舍光門西南其門額隋平陳

時得晉王右軍所題後以粉墨模之唐京城 卽隋大興城內外凡三里東西一十八里一百一十五步南北一十五里一百七十五步周六十七里城門十南面門三曰明德啓夏安化東面門三曰通化春明延興西面門三曰開遠金光延平北面門一曰光化其坊市總一百一十區萬年長安以朱雀街爲界

皇城 亦曰子城東西五里一百一十五步南北三里一百四十一步南北七街東西五街竝列臺省與衛承天門外有東西大街南北廣三百步南街之南有南北大街東西廣百步分別府寺不許雜居其城南面門四中爲朱雀東爲安西西爲含光又西爲景風北面東北隅爲延喜

宮城 東西四里南北二里二百七十步周三里一百八十步崇三丈五尺門四中承天西廣運又西爲永安西南隅爲順蒙

西內中書省 在右延明門西南西內門下省 在左延明門東南司寶庫 在凌煙閣之東

海池 有四在西內一在毬塲亭之東一在咸池殿之東一在望雲亭之北

四監 苑南曰大樂監北曰舊宅監東曰東監西曰西監四監分掌景曜門東曰芳林門西曰光化門東面二門南曰光泰門北曰昭遠門西面二門南曰延秋門北曰元武門景龍三年二月

中宗及皇后幸元武門觀宮女蹴河爲官市

以塘即此北面三門中曰啓運門東曰飲馬門西曰永泰門

凝碧池 在唐禁苑安祿山引梨園弟子數百人大會凝碧池敬宗時幸凝碧池令軍士取魚長大者送新溪池按王維爲祿山所得賦凝碧池詩甚悲後賊平以詩聞維得減論還太子中允

東內中書省 在月華門西省西南北街南出昭慶門南當光範門昭慶門北日光順門

殿中內省 在中書省北

景龍池 在長安城東即興慶池本平地垂拱後因雨水流潦成小池後因分龍首渠水灌之日以滋廣瀾互數頃澄泓皎潔有雲氣或見黃龍出其中因謂之龍池明皇嘗取洞庭鯉魚養池中以爲鱗日以遊宴

九曲池 在興慶池西唐寧王山池引興慶池水西流疏鑿屈曲連環爲九曲池上疊石爲山上植松柏有落猿岩棲龍岫奇石異木珍禽怪獸畢具焉又有鶴洲仙渚殿宇相連王與宮人賓客宴飲弋釣其中

唐園丘 明德門東南一里有更衣殿又東南一里有園丘高一百二十尺周迴三百六十步分三級十二分野俗呼爲壇塚

唐太學 貞觀四年立在務本坊領國子太學四門書律算六門黃巢亂皆爲灰燼獨國子監石經存焉今在西安府學中
司天臺 在長安外郭城東南八里永寧坊乾

元元年改太史監爲臺高一百二十尺前有太歲廟臺雖摧崩其址猶高五六十尺

朱雀街 京城中街也貫分南北四面坊里衢道皆分方命位從此可識其處

社壇 在長安縣西南五里光德坊

新城 即劉宋奉元路府治也唐天祐元年朱全忠遷昭宗于洛毀長安宮室百司廬舍匡國節度使韓建遂去宮城又去外郭城重修子城南閉朱雀門又閉延喜安福門北開元武門是

謂新城其城制內外二重門各三重

御井 長安志善和坊有井水味甘美唐時以供內廚

定昆池 安樂公主西莊也在延平門外景龍初命司農卿趙履溫爲公主蔬園植果中列臺榭棟宇相屬又勅將作少監楊務廉引水作沼延十數里號定昆池

曲江 在府城東南十里秦曰醴州漢爲樂遊苑皆下杜之宜春也基地最高隋營京城宇文

愷以其地在城東南隅鑿池以厭勝之會黃渠水自城外南來可穿城而入遂從城外包之長

安中太平公主于原上置亭遊賞後賜申岐薛王正月晦日三月三日九月九日京城士女

咸爲祓禊帝幕雲布車馬填溢南即芙蓉園西

即杏園慈恩寺花卉環周煙水明媚都人遊賞

盛于中和上巳節錫宴臣僚賜太常教坊樂池

備綵舟傾動皇州以爲盛觀太和元年文宗發

左右神策軍各一千五百人淘曲江修紫雲樓

采霞亭今池乾呼爲池底

丈八溝 在京兆西南一十五里乃漕河岸最深處長楊高柳蓮塘花圃竹徑稻塍爲勝遊地

韋曲 在府城南二十里自漢以來諸韋居之至唐屬韋安石別業極林泉花木之勝三秦記

云在皇子陵之西

蘭陵里 西去杜祠九里唐蕭氏之盛與唐終始故名其里

木塔 西去杜祠十餘里與昆明池近唐以京城西北地微下乃于永陽坊莊嚴寺建木浮圖

高三百尺周一百二十步今其地謂木塔寺

皇甫村 在神禾原之陽鑄水北皇甫別業也

杜曲 唐岐公佑郊居山水形勝草木花鳥爲最佑以太保致仕與昆仲時賢遊其間杜固謂

之南杜杜曲謂之北杜韋杜二氏歷代顯仕唐人語曰城南韋杜去天尺五在府城南三十里

韋曲東十里

杜固 在杜曲南諸杜所居謂之南杜有壯氣

衣冠獨盛杜正倫居北杜求同于南杜不許及

正倫執政建言鑿杜固水以利人自是南杜稍

不顯所鑿之處崖壑今尙存俗呼爲鳳凰嘴

朱博村 去杜祠三里朱博丞相故里也在華

嚴寺下北倚少陵下戰終南

神禾原 在御宿川北東西三十里後晉天福

六年生禾一穗重六斤唐末有蓮花洞在此即

鄭駙馬之居

灊橋 灊灊橋在故長安城東二十里灊店南

北兩橋以通新豐道西京送行者多至此折柳贈別亦名銷魂橋唐蒲陵橋在京兆通化門東二十五里隋開皇二年造元時山東唐邑人劉斌修築堅固凡一十五空長八十餘步闊二十四尺中分三軌旁翼兩欄有華表餘頭簷首築堤五里栽柳萬株遊人肩摩轂擊爲長安之壯觀明成化六年布政使余子俊增修

雁塔 在府城南十里乃唐慈恩寺西浮圖院也亦名會要塔沙門元奘先起五層永徽中武后與王公重加營造至七層崇三百八十四周有纏腰唐新進士同榜題名于塔上有行次之列故名雁塔祿山亂後龍池水涸庚子歲始引龍首渠水灌池至壬寅池水澄泓四無映帶惟見雁塔影倒蘸于池中遊觀者無數

鳴鑼鎮 在兩川口有漢武鳴鑼泉朱姬洞深遠透樊川花卉竹木有光祿大夫張太尉別墅號曰小南山泉脉交流水動碾磨

端門 師古曰殿之正門文帝初入未央宮有謁者十人持戟衛端門即此
明泰藩舊內 在鐘樓東滿城內周圍有子城今廢簡王好接賓客作賓竹亭在邸內西南隅西五臺 唐西內城墉故址

皇清順治間建爲寺

放生池 卽蓮花池故址在最樂園東北二里許當其盛時綠芳池塘碧波數頃綠舟映帶鷗鷺隨行後池涸

皇清巡撫賈漢復引三渠水貫流域中資民汲飲尋

建放生院因其窪下重鑿此池遂易今名

曲臺宮 秦始皇所治漢之未央即其地

阿房宮 亦曰阿城秦惠文王造宮未成而亡

始皇廣其宮恢宏三百餘里離宮別館彌山跨

谷輦道相屬表南山之巔以爲闕前殿東西五

十丈南北五十丈上可坐萬人下建十丈旗以

木蘭爲梁磁石爲門周馳爲複道度渭屬之咸

陽以象天極閣道抵營室謂之天漢斗牛城即

三十五年營作朝宮于渭南上林苑者也

長信宮 秦始皇作長信宮于渭水之南通驪

山在漢長樂宮中成帝母王太后居長信宮班

婕妤求退處養太后作賦自傷后宮在西秋之

象也秋主信故宮殿皆以長信長秋爲名

北闕 漢書未央殿雖南向而尚書奏事謁見

皆詣北闕公車司馬亦在焉是則以北闕爲正

門而又有東門東闕至于西南兩面無門闕矣

蓋蕭何初立宮以厭勝之術理宜然乎

漢明堂 在故長安西南七里武帝建元元年

議立明堂于城內以朝諸侯至王莽增修益大

長樂宮 本泰典樂宮也在舊長安城東高皇

帝始居櫟陽七年長樂宮成徙居之周迴二十

里前殿東西四十九丈七尺兩廡中三十五丈

深十二丈有臨華溫室長信長秋永壽永寧漢

太后常居之宮前銅人二曾前有銘李斯篆宣

帝元康四年神爵以萬數集長樂宮五鳳三年

鸞鳳集長樂宮東闕樹下
未央宮 在舊長安城西南隅漢高祖七年蕭

何造未央宮立東闕北闕前殿武庫太倉周迴二十八里前殿東西五十丈深十五丈高三十五丈至武帝以木蘭爲禁檼文杏爲梁柱金鋪玉戶華榱瑳瑳雕檻玉砌重軒鏤楹青瑱丹堦左城右平黃金爲壁帶間以珍玉風至其聲玲瓏其中臺殿四十三其三十二在外其十一在後宮池十三山六門闕九十五唐貞觀七年帝從太上皇置酒故漢未央宮按更始時未央已焚至貞觀幾八百年何爲尚有未央考石虎建武十一年發雍梁十六萬人城長安未央宮又隋文帝移都大興城因其遺址增修宮側未央池至唐敬宗寶曆三年修未央宮掘地得白玉牀武宗會昌元年至未央宮見其遺址詔葺之總三百四十有九間作正殿曰通光故呂圖易未央宮爲通光殿因會昌所名也按黃圖及長安志未央自有通光殿則通光之名亦採舊名耳按三秦記未央一名紫微宮關中記未央宮周旋三十三里街道十七里宮殿及臺皆疏龍首山上以作之殿基出長安城上宮東有鸞鸞殿

宣室 未央前殿正室也淮南子謂周亦有宣室漢取舊名文帝受釐宣室夜半前席賈生問鬼神之事王莽地皇四年城中少年朱弟張魚等燒宮莽避火宣室前殿火輒隨之
溫室 在未央宮北漢武帝建冬處之溫暖也西京雜記溫室以椒塗壁香桂爲柱設火齊屏風鴻羽帳煖地以屬賓飪餽漢書京房奏考課

此為試讀 需要完整PDF請訪問: www.ctbook.com

吏法上令公卿朝臣會議溫室

清涼殿 在未央宮夏居之則清涼董偃常臥

延清之室以畫石牀文如錦紫瑤璃帳以紫玉

爲盤如屈龍皆用雜寶飾之

猗蘭殿 在未央宮皇后所居即椒房殿也七

月七日王美人生漢武帝于猗蘭殿未生時景

帝夢赤龍從雲中下崇芳閣覺而坐閣見赤氣

如蔽戶屬望閣上有丹霞翳鬱遂改崇芳閣爲

猗蘭殿

麒麟閣 在未央宮內漢武帝時獲麒麟乃作

閣在殿旁甘露三年宣帝思股肱之臣圖畫其

形於麒麟閣

天祿閣 在未央殿北天祿異獸也劉向嘗校

書于上太乙燃藜以照之

石渠閣 在未央殿北堊石爲渠中藏蕭何所

得秦世圖籍甘露中五經諸儒雜論于此

白虎門 前殿直下椒除西出長秋門未央宮

內門也皆未央後宮

金馬門 在未央宮漢武帝得大宛馬以銅鑄

像立于署門因以爲名東方朔主父偃待詔金

馬門即此

承明殿 在石渠閣外諸儒著述直宿之所漢

武帝謂嚴助曰君厭承明之虛即此

金華殿 在未央宮內漢成帝召鄭寬中張禹

說尚書論語于金華殿中

昭陽殿 在未央宮中趙皇后所居也其中庭

形朱而殿上髹漆砌皆銅沓黃金塗白玉堦壁

帶往往爲黃金鉅函藍田璧明珠翠羽飾之憲

戶扇多是琉璃皆通照毛髮不得藏機桷刻作

蛇龍縈繞其間鱗甲分明

柏梁臺 在漢未央宮北園內漢武帝元鼎初

起以香柏爲之嘗詔群臣能爲七言者乃得上

坐

建章宮 在舊長安城西漢武帝營造日廣以

城爲小乃于未央宮西跨城池作飛閣通建章

宮度爲千門萬戶其東則鳳閣高二十餘丈右

神明臺門內北別起風閣對時并幹樓高五十

丈臺道相屬南有玉堂壁門三層臺高三十丈

玉堂內殿十二門階陛皆玉爲之鑄銅鳳高五

丈飾黃金樓屋上下有轉樞向風若翔又西有

葡萄宮哀帝元壽二年以大茂厭勝所在因起

此宮

奇華殿 在建章宮旁四海器服珍寶火浣布

切玉刀巨象大雀獅子宮馬充塞其中

鼓簧宮 在建章宮西北周匝百三十六步

上林苑 秦舊苑也漢武帝建元三年開上林

苑東南至藍田宜春鼎湖御宿昆吾傍南山而

西至長楊五柞北繞黃山灝渭水而東周袤三

百里離宮七十所養白鸚鵡紫鸞鸞鸞牛青兕

江鷗海鶴孕雛產般延浸林池奇樹異草靡不

培植中有蘭觀平樂觀魚臺大臺獸園有令有

尉掌禽獸簿記其名數而官館之事屬水衡

飛廉觀 在上林苑漢武帝元封二年作高四

十丈飛廉神禽能致風氣者身似鹿頭如雀有

角而蛇尾文如豹武帝命以銅鑄置觀上因以

爲名

桂宮 在未央宮漸臺西北漢武帝造周廻十

餘里有光明殿皆金玉珠璣爲簾畫晝夜光明

西京雜記武帝爲七寶牀雜寶案麗寶屏風列

寶帳設于桂宮時人謂四寶宮

漢掖庭 西京雜記漢掖庭有丹景臺雲光九

華鳴鸞三殿及開襟閣臨池觀皆繁華窈窕之

所棲宿漢綠女常以七月七日夜穿七孔針于

開襟閣

細柳觀 在故長安西北漢文帝時大將軍周

亞夫軍于細柳今呼爲古微

北宮 在未央宮北周廻十里漢高祖時創孝

武增修之前殿廣五十步珠簾玉戶如桂宮

壽宮 近北宮漢武帝張羽旗設供具以禮神

君神君來則肅然風生帷帳皆動

明光宮 漢武帝太初四年起在長樂宮後成

都侯商欲避暑從上借明光宮程大昌雍錄云

漢有明光宮三一在北宮南與長樂相連者武

帝太初四年起即王商之所借以避暑者別有

明光宮在甘泉宮中亦武帝所起發燕趙美女

三千人充之至尚書郎主作文書起草更置建

禮門內則近明光殿矣約其方鄉必在正宮殿

中不與北宮甘泉設爲奇玩者比也

鈞弋宮 在直門南漢武帝召見河間趙氏于

其手中得玉鈞娘十四月而生昭帝乃命其門

曰堯母門宮曰鈞弋宮

方輿彙編職方典第五百十卷西安府部

第一〇二冊 之〇六葉

扶荔宮 在上林苑中漢武帝元鼎六年破南越起扶荔宮以植所得奇草異木菖蒲百本山薑十本甘蕉十二本雷求子十本桂百本密香指甲花百本龍眼荔枝檳榔橄欖千歲柑橘皆百本土木南北異宜時多枯瘁後數歲偶二三株稍茂終無華實帝亦珍惜之

太乙宮 在府城南五十里太乙山谷中漢元封初南山谷間雲氣融結陰翳成象武帝于此建宮

儲元宮 在漢長安城西信都太后與信都王俱居儲元宮

承華殿 在上林苑漢武帝故事云七月七日上林承華齋中忽有一青鳥從北來帝問東方朔朔云此侍者許飛瓊也

宣曲宮 在昆明池西漢孝宣帝曉音律常于此度曲因以爲名

昭臺宮 在上林苑中漢孝宣霍皇后立五年廢處昭臺宮

長門宮 在故長安城東漢孝武陳皇后得幸頗妒後退居長門宮

犬臺宮 在故長安西二十八里上林苑中江充召見犬臺宮

逍遙宮 後秦姚興嘗于逍遙園引諸沙門聽鳩摩羅什演譯佛經起逍遙宮左右有樓閣高百尺

顯仁宮 隋大業元年三月于皂澗營顯仁宮大安宮 在宮城西唐太宗初居承乾殿武德

五年以秦王功高建號弘義宮以居之貞觀三年太上皇徙而居之改名大安宮

掖庭宮 宮城東西四里南即皇城抵苑掖庭西門唐貞觀二年勅左丞戴胄於掖庭西門簡宮人出入按掖庭宮蓋高祖所起宮人教藝之所

宜春宮 在嘉德門東北有宜春門

宜秋宮 在嘉德門西北

九曲宮 即魚藻宮去宮城十二里在左右神策軍後唐貞觀十二年詔浚魚藻池深一丈引澗水天濠水漲之以觀競渡王建宮詞魚藻宮中鎖翠娥蓋指此

東內大明宮 大明宮在禁內之東南接京城之北面西接宮城之東北隅唐貞觀八年置爲永安宮九年改爲大明宮以備太上皇消暑龍朔二年改蓬萊宮以殿後蓬萊池爲名也有長生殿含象含涼殿咸亨元年改蓬萊宮爲含光宮長安元年復曰大明宮初高祖使司農少卿梁存仁制造北據高原南望爽塏每晴天霽景

視南山如指掌官城坊市俯而窺焉其地南北五里東西三里南面五門正南曰丹鳳門東曰望仙門次東曰延政門丹鳳門西曰建福門次西曰興安門東面一門曰太和門南面一門曰營室門北曰元武門德宗造樓門外設兩廊宿衛謂之北衙

上陽宮 在大明宮西唐武后傳位太子徙居上陽宮

興泰宮 唐大足四年天后建南內興慶宮 在府城東南五里距外郭城東垣唐明皇潛邸在焉以在太極宮東南故謂南內正門西向曰興慶門正西曰金明門南曰通陽門興慶殿在焉西南隅曰勤政務本樓南向以修政事每歲千秋節醺飲樓前其西花萼相輝樓章薛諸王邸第相望勤政樓北大同殿在焉東北曰金花門新射殿金花落在焉開元二十年築夾城通芙蓉園自大明宮夾東羅城複道由安化安興門次經春明延喜門直達曲江入青龍寺而外人不知

望春宮 在府城東十里澹水西岸隋文帝建亦名望春亭唐天寶元年韋堅因古迹堰渭水絕澹瀾爲潭東注永豐倉下以便漕運名廣運潭

二世宮 本秦二世宮久廢今說二十空

太極殿 晉愍帝宮在長安南門符堅卽位于太極前殿後姚興重建殿上有金井隋唐之太極殿本此

乾安殿 後周孝閔帝卽位御乾安殿班賞群臣

延壽殿 周明帝元年九月朝群臣于延壽殿觀德殿 隋開皇三年文帝疾愈享百僚于觀德殿賜錢帛皆任其自取盡力而出

大興殿 南門爲昭陽門東門爲建春門北門爲乾福門隋大業六年奏角觝大戲于端門街奇技異藝畢集煬帝數微服觀之

奇技異藝畢集煬帝數微服觀之

西內太極殿 卽隋之大興宮也唐龍朔後天子嘗居大明宮乃謂此宮曰西內神龍元年改曰太極宮南面六門南曰順天後改承天東爲長樂門又東爲廣門內有左藏庫後爲中書省西北爲武庫北入安仁門又北肅章門內入宮中廣門之東爲重福門重福門東爲永春門承天門西爲未安門東曰鳳凰門卽隋通訓門西二門曰通明嘉猷北二門曰定武安禮北曰太極卽隋大興門太極殿爲西內正殿名爲中朝東廊有左延明門西廊有右延明門太極門外承天門之內曰嘉德門

兩儀殿 在太極殿後卽隋中華殿西有萬春殿千秋殿左有獻春門右有宜秋門

甘露殿 在兩儀殿北門外有東西永巷東出橫門爲日華門西出橫門爲月華門唐明皇自蜀回還居西內甘露殿東有神龍延恩萬春千秋承恩立政大吉諸殿

神龍殿 在甘露殿之東前有神龍門其西有佛光寺

武德殿 在神龍殿前其南有武德西門唐睿宗延和元年皇太子御武德殿除三品以下官承香殿 在延嘉殿北東卽元武門北入苑

百福殿 在百福門內唐宣宗改雍和殿

安仁殿 在甘露殿西其前有安仁門後有歸真觀

淑景殿 在絲綵院西殿西有第三落次西有第四落又次西有第五落

延嘉殿 在甘露殿南有金水河北流入苑凝陰殿 在紫雲閣西唐天寶七載明皇於此令華清天師祀鏡龍遂得甘雨

垂拱殿 在大安宮唐貞觀九年五月太上皇崩於垂拱前殿

翠華殿 在大安宮東北遺址尚存俗云祭酒臺

麗正殿 在右春坊內唐開元初改爲集仙殿十三年又改集賢殿

東宮明德殿 東宮正殿也本名顯德殿後避中宗諱改今名殿東廊左嘉善門南有嘉德門重明門明皇帝講武於此

通光殿 去宮城二十一里卽漢未央舊地唐復修之其正殿曰通光殿東爲紹芳亭西爲凝思亭前爲端明唐武宗立命翰林學士裴素撰記

永安殿 在東西外垣門有日營門月營門其北重元門

含元殿 丹鳳門內當中正殿也卽龍首山之東麓階基高平地四十餘尺南去丹鳳門四十餘步東西廣五百步東南有翔鸞閣西南有棲鳳閣與殿飛廊相接左右有砌道盤上謂之龍尾夾道東有通乾門西有觀象門

宣政殿 在大明宮宣政門內殿東有東上閣門西有西上閣門殿前東廊曰日華門西廊曰月華門唐乾元元年元宗御宣政殿授肅宗傳國受命寶符

紫宸殿 在宣政殿北紫宸門內卽內衙正殿也

蓬萊殿 在紫宸殿北唐敬宗時會沙門道士於此賜食給茶絹

金鑾殿 在宣政殿北唐明皇於此召見李白論當世事奏頌一篇帝賜食親爲調羹詔供奉翰林

長安殿 在金鑾殿西南唐肅宗收京師新作九廟主於長安殿安置

仙居殿 在長安殿北

麟德殿 在仙居殿西北此殿三面故亦名三殿南有閣東西有結璘鸞儀二樓殿北相連各有障日閣凡內宴多在此殿唐長慶元年穆宗觀樂於是殿

延英殿 在宣政殿次東唐肅宗時梁上生玉芝一莖三葉後改靈芝殿爲宰相啓事之所相對有思政殿

咸泰殿 唐文宗開成三年正月望夜燃燈於咸泰殿中三宮太后諸王公主俱集此宴行家入禮以爲歡

宣和殿 唐寶曆三年敬宗觀百戲於此殿紫微殿 唐貞觀末阿史那社蘭平龜茲獻俘於此殿

平樂館 在上林苑漢武帝元封六年京城民觀角觝於上林平樂館王莽撤城西苑中宮館凡十餘所取其材瓦以起九廟

虎園館 在上林苑漢文帝登虎園問上林尉

禽獸簿郡國志云虎園在通化門東二十五里博望苑在府城北五里漢武帝爲太子開博望苑以通賓客

御宿苑在長安城南御宿川中漢武帝爲離宮別館禁禦人不得入往來遊觀止宿其中故曰御宿

宜春苑在長安東南隅曲江東近下杜上蘭觀在上林苑王莽請元后校獵上蘭涼風臺在長安故城西關輔記曰建章宮北作涼風臺積木爲樓

樂遊苑在杜陵西北漢宣帝神爵三年春起一名鴻固原

甲觀在太子宮中謂之甲觀畫堂

蘭館按一統志漢上林苑中有蘭館養蠶之所

織室在未央宮織作文繡郊廟之服有令史涿木觀在上林苑成帝許美人居上林涿木觀

曝衣閣在太液池西七月七日宮女出后衣登樓曝之

雌蜺閣在建章宮次門女關也在園關門內二百步

西苑隋煬帝大業元年築西苑周二百里其內爲池周十餘里爲三神山出水百餘尺臺觀宮殿羅列山上北有龍鱗渠紆注池內緣渠作十六院門皆臨渠每院以四品夫人主之

大興苑在宮城之北即北苑也隋煬帝於景華宮徵螢火得數斛夜出遊山放之光徧岩谷

弘文館在門下省東唐武德四年置聚天下書籍貞觀六年遷朝官有才學者以充學士九年改爲昭文館開元七年復舊

西內史館在門下省北唐貞觀三年置祕書內省以修五代史又置史館以編國史

東內苑南北二里與大明宮城齊南即延政門北即銀臺門東即太和門

櫻桃園在禁苑之南又有東西蒲萄園雲韶院在禁苑之南

凌煙閣在西內三清殿側唐貞觀十七年於閣上圖畫功臣皆北向太宗爲贊褚遂良書閣立本畫

紫雲閣在延英殿東閣南北千步南至尚食院西北盡宮城

禁苑在宮城北即隋之大興苑也周一百二十里東西二十七里南北三十二里東接瀟水西據長安故城繞出太極宮之南故苑之南牆與宮城相齊北枕渭水苑中宮亭二十四所內苑在啓運門之南苑門三北曰重元門東曰東雲龍門西曰西雲龍門

光範門在大明宮含元殿之西韓愈上宰相書伏光範門外以宰相退朝必出此也漢制入司馬門方是禁中而光範門尚在含元殿外承天門內旁有登聞鼓有籍無籍皆得入

九仙門麟德殿次北曰翰林門翰林門北曰九仙門唐寶應元年李輔國迎太子見群臣於九仙門

沈香亭在景龍池唐天寶三載李白供奉翰林禁中初種木芍藥得四本紅紫淺紅通白者移植興慶池東沈香亭

金液門唐貞觀二十一年詔皇太子聽政於金液門

井幹樓按一統志在府城西北漢建章宮南高五十丈武帝建張衡賦井幹臺而百層即此明水園在故長安城內隸舊宅監

詒議堂按一統志在府城西北後秦姚興嘗臨此堂聽斷獄訟

陳內史館在弘文館東南北街南出舍驢門南曰昭訓門北曰崇明門

東內弘文館在門下省東

政事堂在東省屬門下唐中宗後徙堂於中書省

太液亭

蓬萊殿後有含涼殿太液池太液亭

唐穆宗時命侍講韋處厚等入此亭講詩尚書

文宗又命纂集尚書中君臣事蹟令工匠刻於

太液亭以備觀覽

左右銀臺門在宮城東西面

翰林院 在麟德殿次北翰林門內其門高大

重復號為複門入門直西為學士院有兩廳南

北相對各自為門廳前階砌花磚為道

十六宅百孫院 在安國寺東附苑城為大宅

分處慶忠棟鄂榮儀台頤永濟十王後盛壽陳

豐常京六王又就封入內宅是為十六宅後以

諸孫成長又置百孫院

奉誠園 在舊安邑坊本馬燧子暢以貲甲天

下唐貞元末獻第為奉誠園

曲江亭 在曲江池西南唐時宴進士處

芙蓉苑 在曲江池西南即泰宜春院唐人謂

之南苑

杏園 在曲江池西唐進士宴集於此

汾陽王宅 在親仁坊宅居其坊地四分之一

家人三千出入不知其居

西平王宅 在永崇坊唐興元元年賜晟永崇

里甲第詔宰相諸郎將會送特賜女樂八人錦

綵銀器令教坊太常備樂京兆府供具鼓吹迎

導以為榮觀

薛繪宅 在勝業坊繪為銀青光祿大夫兄弟

子姪數十人同居一曲烟黛清華冠冕茂盛人

謂之薛曲

張延師宅 在安邑坊延師為左衛大將軍范

陽公兄弟三人同時三品一宅之中榮戟齊列

人謂之三戟張家

馮宿宅 在親仁坊宿從子袞為給事中宅南

有山林池亭多養鵝鴨及雜禽之數常遣一家

人主之謂之島省

顏師古宅 在敦化坊師古南朝舊族又太常

少卿歐陽詢著作郎沈越實亦住此坊人呼此

坊為吳兒坊

寇萊公宅 在府城掖庭街中有山池熙熙臺

後廢為寺

張中孚宅 在府城草場街宅中有願真堂後

廢為錢監元時為利用倉

就國夫人宅 在宣陽坊本韋嗣立舊宅就國

夫人於此造合歡臺所費二千萬

韓莊 韓退之城南別墅也在韋曲東孟郊張

籍嘗於此泛舟第五橋在其西南即鄭虔故居

又其西有塔坡即何將軍山林今廢其地有浮

圖產稻極美土人謂之塔坡米南塘即下塔坡

貢莊 在焦載川北枕白鹿原唐貢半千之莊

蓮塘竹徑餘醴架海棠洞會京堂花塢藥畦碾

磨麻稻里諺曰上有天堂下有貢莊

范氏莊 本唐杜岐公郊居宋熙寧中范公自

侍御史出買此莊於尚書郎胡拱辰自杜至范

三易主矣今猶謂之御史莊有溪樹崑軒江間

圖堂林館謂之范公五居

胡相別墅 在樊川元中書左丞胡恭範致仕

於杜曲求買舍栽植梅竹引泉鑿池葺治賓館

亭臺以為幽棲之所

廉相泉園 元至元中平章廉希憲行省陝右

愛泰中山水遂於樊川杜曲林泉佳處葺治廳

館亭榭導泉灌園移植漢河東洛奇花異卉畦

分基布松檜梅竹羅列成行暇日同姚雪齋許

魯齋楊紫陽商左山前進士邵大用來明之郭

周卿張君美樽酒論文彈琴投壺燕樂於此

趙氏別墅 元至元甲子宣撫趙某於樊川陽

陂就岡原夷壇葬考妣樹檜竹修葺園亭以為

別墅自號樊川釣叟中有安適堂歸潛洞趙公

泉

李氏牡丹園 在安化門西杜城北五里元河

東北路行省郎中李換子信之所葺信之不喜

仕進日涉經史葺園治田為事園植牡丹三四

百窠他花稱是每花時遊者車馬闐咽篇章盈

軸

最樂園 在長安縣西北隅秦藩築此為遊宴

之所中有臺池花樹選勝行樂非貴客騷人不

得遊賞名曰最樂

青門亭 去宮城十三里在長安故城之東即

東陵種瓜之所

翡翠樓 在宣平坊南唐開元天寶間歌舞盛

處

玉峰軒 在興教寺北松檜半原地形高爽南

對玉案峰宋元豐中龍圖呂某祈禱太乙激道

經是寺登北岡南瞰玉案令僧創軒為登眺之

所

長樂亭 在府城東北十里即灤水之西岸舊

名灤坡宋陳堯咨守京兆作亭於上每有迎饌

必至斯亭嘗作歌刻石亭中

三桂亭 在長安城南杜鵑水之陽乃宋諫議

陳公之別墅三子堯叟堯佐堯咨同登科扁其亭曰三桂堯咨知永興軍時題詩於碑云扶疎已開新栽柳清淺猶尋舊漱泉

衆樂堂 在興慶池北金朝金紫光祿大夫張中孚建與賓客宴遊處今廢

流杯亭 在衆樂堂後有金太尉張中孚所構砌石成風字樣曲水流觴以爲祓禊宴樂之所旁有禊宴詩碑今廢

保安王府 今爲會議府

汧陽王府 今爲滿提督府

郿陽王府 今爲漢提督府

宣川王府 今爲軍門教場

永興王府 今爲提督中軍教場

星石 在徽省後堂俗名曰定官石

弔忠泉 在長安縣西北老關王廟內長安令吳從義畫節處

皇子陵 在萬年縣西南二十五里秦葬皇子起冢於陵之北原隋文帝改爲永安陵唐杜甫詩天清皇子陵即此也

鳳閣 高二十餘丈閣環上有銅鳳號鳳閣與神明臺對峙又曰鑄銅鳳高五丈飾黃金樓屋上下有轉樞向風若翔又三秦記云柏梁臺有銅鳳因名鳳閣

麟趾殿 庾信有詩
蘭臺 掌圖籍祕書之所
成德堂 新說曰長安府學成德堂七門八棧高敞雄壯元末已壞明宣德中重建爲明倫堂

畢原 在城西南二十八里接鄠縣界文廟石刻 聚唐宋以來碑石井石經爲屋覆之

九市 在故城中市有九張衡西京賦云郭開九市通關帶園

堯神池 在昆明池中堯時治水嘗停舟於此漢武帝鑿昆明池因而廣大之耳

赦倉 漢書惠帝六年起長安西市修赦倉何將軍山林 今謂之塔坡少陵原乃樊川之北原至此而盡在杜城東韋曲西久廢或云在第五橋據杜甫詩應在第五橋

夾城 唐明皇治興慶宮附外郭爲複道名夾城宣宗南開便門自芙蓉苑入青龍寺唐人詩六龍六幸芙蓉苑十里飄香入夾城

安西王城 元世祖封其子忙阿剌爲安西王開府京兆鎮秦隴蜀涼居此今名阿兒梁遺址尚存

思賢苑 漢文帝爲太子立以招賓

興慶池 即景龍縣東五里開元間鑿

魚藻池 引霸河天濠水漲之穆宗以觀競渡

姜保村 朱李度支莊邇東有韋兆爲牛僧孺故里

鄭莊 唐鄭谷莊也所謂仰山草堂者去韓莊東南數里

瓜洲 杜牧種瓜處在神禾隈西有玉鉤亭南有蓮花洞

夏侯里 在杜曲西夏侯惇故里宋時有王銑

杜光村 即今南密

大興建國諸門 隋有通化春明延興安上啓夏延喜昭陽左右銀臺唐有明德朱雀承天金花通陽元武丹鳳凌霄朝陽元化望仙建福興慶金明延明躍龍九仙諸門今丘墟莫可考矣

莊陽宮 在霸上秦襄公建

軹道 亭名即秦王子嬰降沛公處在漢長安城東十三里

明德殿 本名顯德唐太宗即位改明德

思政殿 與延英殿直

闕鷄殿 唐明皇在藩時喜闕鷄即位治鷄坊索長安雄鷄千餘選六軍童子五百人教飼之賈昌爲小兒長甚寵幸杜詩闕鷄初試錦

白虎殿 漢書成帝建始四年召直言之士詣白虎殿對策

玉堂殿 漢書揚雄傳歷金門上玉堂

翔鸞閣 棲鳳閣

同文殿 雲龍殿

文思殿 俱在東南內

玉清殿 晨暉殿
景風殿 積慶殿
南薰殿 大同殿
昭敬殿 咸寧殿
仙靈殿 拾翠殿
椒風舍 哀帝召董賢女弟爲昭儀位次皇后更名其舍爲椒風以配椒房